



Provincia Aragonensis.

[urn:nbn:de:hbz:466:1-66783](https://nbn-resolving.org/urn:nbn:de:hbz:466:1-66783)

PROVINCIA ARAGONENSIS.



SOCIETATIS nostræ in Arago
nensi Prouincia septem domicilia
sunt, in quibus Socij ducenti versan-
tur. Valentia in domo professa vigin-
ti quattuor, in Collegio quattuor &
quadraginta, CasarAugustæ quinquæ-
ginta, Barcinone sex & viginti, Gadiæ trigintatres, Ma-
ioricæ viginti, Tarracone sex. E vita tres migrarunt.
In Societatem asciti sunt quattuordecim.

DOMVS ET COLLEGIVM Valentianum.

DOmus Valentianæ status tum spiritualis tum tē-
poralis multo meliore hoc anno loco fuit. Ingēs-
enim est confitētū multitudo; sic, ut eorū frequētia quo-
tidie nobis in tēplo nostro pusillā Quadragesimam re-
ferre videatur. idq. tū sua ipsi sponte ciues faciunt, tum
Proregis eiusque vxoris exemplo prouocati; quorum
studia & officia, neq. in publicis, neque in priuatis re-
bus vñquam desiderauimus. Nostri non solum in æde
nostra, verum etiam in alijs templis concionati sunt,
insigni cum populi vtilitate; vnus siquidem vir nobilis
è tur-

è turpi multorum annorum vita deductus, voluntarijs se pœnis & Sacramentis obeundis dedit. Mulierum etiam quarundam, & Virginum animis famæque consultum est; ut in matrimonio legitimo, aut in monasterio collocarentur. Capite damnatos ad locum vsq. patibuli frequenter nostri prosequuntur, magno interdum ipsorum bono; quod maxime ex ijs quidam, qui se recētes ad Christum adiunxerant, comprobarunt; qui magna cum pietate, & eorum qui aderant admiratione, huius miseræ vitæ curriculum absoluerunt. Multa præterea munera & eleemosinæ tum in templi ornatum, tum in nostrum victum collata sunt, quæ multo pluribus alendis sufficerent; ni domus ære alieno esset oppressa. Unus aureorū tria millia nobis dedit; alter bonorum suorum omnium nos heredes supremo testamento scripsit: quibus ære nos omni alieno exituros brevis speramus.

In Collegio Valentiano cetera quidem fuere cum alijs Collegijs fere communia, illud proprium, atque haud scio, an singulare. hominem Dæmon, adducto circa collum fune, crudeliter torquebat, adeo ut spiritus & vox omnis intercluderetur; accersitus est noster Sacerdos, ut aliqua ratione misero subueniret: qui cum exorcismis Dæmonē abegisset; vox homini reddita est, dixitque iccirco se à Dæmone ita vexatum, quod proxima Quadragesima crimina expiare neglexisset, atq. illico magno cum animi sensu confessus est.

COLLEGIVM CÆSARAVGVSTANVM.

Sociorum Collegij Cæsaraugustani numerus valde
hoc

hoc anno auctus est, receptis in domū Nouitijs tantis-
 per dum commoda sedes illis. Tarracone concinnetur:
 quare & ipse fructus duplicatus est. Vir annos trigin-
 ta multis ac nefarijs sceleribus obstrictus, ad sacrosan-
 ctum Christi corporis conuiuiū accedere solitus erat,
 is à multis leucis confessionis causa ad nos profectus,
 eam tandem peregit cum magna contritionis significa-
 tione. Alter annos 25. grauissima crimina supprime-
 bat, quod fieri posse negaret, ut ijs vniquam absolueret-
 ur; is etiam nostris confessus advenia spem excitatus
 est. Mulier cum se post flagitium perpetratum ante
 crucifixi imaginem stitisset, videre sibi visa est, ex quin-
 que Christi vulneribus riuulos totidē sanguinis deflue-
 re: quare commota, illico multis cū lacrimis ad con-
 fessionem confugit. Cum vero vsa opportunitate, in eā-
 dem culpam iterum esset prolapsa; oblatum est ei ho-
 minis tæterrimi spectrum inusitatae magnitudinis, mi-
 nitantis eam se suffocaturum, ni peccandi finem face-
 ret. quo illa viso perterrita sic est, ut planè sensu omni
 destituta videretur: ubi vero animum collegit, confes-
 sarium adiit, certa posthac illecebras & occasiones
 peccandi omnes diligenter effugere. Cum duo fidei de-
 prauatae conuicti, capitis condemnati essent; alter, qui
 doctior & ingeniosior videretur, animo semper obsti-
 nato veritatis lucem respuit; alter natura tardior, ad
 rectam fidem conuersus est, quoniam, ut ait Aposto-
 lus, acceptio personarum non est apud Deum, sed diui-
 dit vnicuique prout vult. Honestus vir bibliothecam
 suam Collegio attribuit; ea quattuor millibus aureorū
 aestimatur, numeranturq. inibi amplius tria millia vo-
 luminum

luminum. Idem suam ultro hereditatem ex parte decima Societati obligavit; capiunturque ex ea quotannis aurei ducenti.

Ex hoc Collegio alij alijs temporibus ad quinq. finitimas ciuitates missi sunt: in quibus locis, quod ij populi egregie in Societatem essent animati, res Christiana bene gesta est.

COLLEGIVM BARCINONENSE.

B Arcinone mulieres nouem a meretricia vita ad honestatem traductæ sunt: aliquot etiam, qui triginta vel quadraginta & eo amplius annos in turpissimis flagitijs volutabantur, laudabilem vitam inierunt. Christianam doctrinam tribus in locis publice nostri docent insigni cum fructu: atque ut alia taceam, pons ex auditoribus Patri, cum primum is dicendi finem fecit, funem tradidit, quem ab se comparatum dicebat, ut calamitatis suæ remedium suspendio quæreret: Cui Pater conueniens in præsentia remedium adhibuit. Manresa oppidum est satis notum ex ijs, quæ inibi P. N. Ignatio contigerunt. huc missi e nostris duo ciuitatem ipsam mutuis cædibus, & odijs ardentem offenderunt. Sed ubi Societatis munera exercere cœperunt, maxima morum commutatio in ciuibus exstitit; ut vulgo controuersias omnes in nostram fidem deponerent, quas nostro arbitratu constitueremus. Ad prauam inrandi consuetudinem tollendam instituta sodalitas est: cuius progressum valde felicem speramus, quod eius initijs mille circiter Christi corpus susceperint; cum paullo

